



## SARAJEVO Uhapšen na suđenju



SARAJEVO - Više timova Specijalne jedinice **SIPA**, postupajući po nalogu tužioca iz Posebnog odjela za ratne zločine Tužilaštva BiH, na području Vlasenice, Milića i okoline lociralo je i uhapsilo petoricu osumnjičenih za ratni zločin. Uhapšeni su Branko Jolović (59), Nenad Vukotić (53), Nikola Lošić (51) i Dejan Milanović (70) iz Milića, te Milomir Milošević (55) iz Vlasenice.

"Šesti osumnjičeni, Radomir Pantić, uhapšen je nakon ročišta u Sudu BiH, gdje mu se sudi za drugo krivično djelo ratnog zločina", saopšteno je iz Tužilaštva BiH.

Oni su pod istragom i osumnjičeni su da su u svojstvu pripadnika policijskih i vojnih struktura VRS u proljeće 1992. počinili ratni zločin nad žrtvama bošnjačke nacionalnosti na području mjesta Zaklopača u opštini Milići.

"Ovaj zločin je počinjen 16. maja 1992, kada je prilikom organizovanog vojnog i policijskog napada na mjesto Zaklopača, u njihovim domovima, dvorištima i okolnim objektima, ubijeno više od 60 civila bošnjačke nacionalnosti, među kojima je bilo i 11 djece", navodi se u optužnici. (Agencije)